

Erindisbréf landbúnaðar- og fjallskilaneftndar

I. Verkefni nefndarinnar

1. gr.

Landbúnaðar- og fjallskilaneftnd Snæfellsbæjar starfar í umboði bæjarstjórnar að málefnum landbúnaðar og fjallskila samkvæmt lögum og reglugerðum er þar að lúta og því sem bæjarstjórn felur henni.

2. gr.

Landbúnaðar- og fjallskilaneftnd fer með lögbundin verkefni sem tengjast málaflokknum, samkvæmt þeim lögum og reglugerðum sem í gildi eru, m.a. fer nefndin með yfirstjórn fjallskilamála skv. lögum um afréttamálefni, fjallskil o.fl. nr. 6/1986, umsjón með refa- og minkaeyðingu skv. lögum um vernd, friðun og veiðar á villtum fuglum og villtum spendýrum nr. 64/1994, umsjón og ráðgjöf um búfjárgirðingar skv. girðingalögum nr. 135/2001, Nefndin skal funda eftir þörfum.

3. gr.

Helstu verkefni landbúnaðar- og fjallskilaneftndar eru:

- að hafa yfirumsjón með fjallskilamálum í Snæfellsbæ,
- að framfylgja ákvæðum fjallskilasamþykktar fyrir Snæfells- og Hnappadalssýslu,
- að fylgjast með að reglum um rekstur til afrétta sé framfylgt sbr. III. kafla laga um afréttamálefni, fjallskil o.fl. nr. 6/1986 en hann fjallar um verndun beitilands og ítölu,
- að ákveða og auglýsa gangnadaga og skipuleggja leitir,
- að fylgjast með ástandi rétta og viðhaldspörf þeirra,
- að fylgjast með ástandi afrétta og heimalanda í samráði við umhverfis- og skipulagsneftnd og Landgræðslu ríkisins skv. 15. gr. laga um afréttamálefni, fjallskil o.fl. nr. 6/1986,
- að leggja fram tillögur að aðgerðum til að bæta meðferð afrétta og til verndar gróðri ef þörf er talin á sbr. 16.-19. gr. fyrrneftndra laga,
- að fylgjast með ástandi bæjargirðingar og viðhaldspörf hennar,
- að fara með málefni varðandi eyðingu refa og minka sbr. lög um friðun veiðar á villtum fuglum og villtum spendýrum nr. 60/1994,
- að fara með þær skyldur sveitarfélagsins sem koma fram í lögum um velferð dýra nr. 55/2013
- að fjalla um þau mál sem bæjarstjórn felur nefndinni hverju sinni.

II. Skipan nefndarinnar

4. gr.

Í landbúnaðar- og fjallskilanefnd eiga sæti þrír fulltrúar, sem bæjarstjórn kýs til fjögurra ára, að afloknum sveitarstjórnarkosningum skv. ákvæðum sveitarstjórnarlaga og samþykktar um stjórn og fundarsköp Snæfellsbæjar. Á sama hátt eru kjörnir þrír fulltrúar til vara. Auk kjörinna fulltrúa á bæjarstjóri rétt á að sitja fundi nefndarinnar með málfrelsi og tillögurétti.

Nefndinni er heimilt að kalla til sín sérhvern þann sem tengist málum sem fjallað er um.

Nefndin kýs sér formann á fyrsta fundi sínum, hafi hann ekki verið skipaður af bæjarstjórn. Jafnframt kýs nefndin sér ritara.

5. gr.

Formaður landbúnaðar- og fjallskilanefndar stjórnar fundum nefndarinnar skv. ákvæðum IV. kafla samþykktar um stjórn Snæfellsbæjar og sér um að allt fari þar löglega og skipulega fram. Hann úrskurðar í ágreiningsmálum sem upp kunna að koma út af fundarsköpum en skjóta má úrskurði hans til úrlausnar nefndarinnar. Fundarmönnum er skylt að lúta valdi formanns að því er varðar fundarsköp og góða reglu.

Formaður sér um boðun funda. Fundarboðun skal vera skrifleg og tilgreina fundarstað, tíma og dagskrá. Fundarboð skal sent fulltrúum og öðrum sem seturétt hafa á fundum eigi síðar en einum sólarhring fyrir fund.

III. Fundarsköp nefndarinnar

6. gr.

Um fundarsköp á fundum landbúnaðar- og fjallskilanefndar gilda ákvæði sveitarstjórnarlaga og samþykkt um stjórn Snæfellsbæjar.

7. gr.

Landbúnaðar- og fjallskilanefnd kemur saman fyrir luktum dyrum og fundar eftir þörfum.

8. gr.

Fundargerðir landbúnaðar- og fjallskilanefndar skulu tölvuskráðar. Við skráningu skal fylgja þeim meginreglum sem gilda um skráningu fundargerða bæjarstjórnar, sbr. 16. gr. í samþykkt um stjórn Snæfellsbæjar.

Í tölvuskráða fundargerð skal færa:

- a. fundartíma og fundarstað,
- b. nöfn aðalmanna og varamanna sem sækja fundinn,

- c. nöfn starfsmanna sem sækja fundinn,
- d. heiti og númer fundarefna sem tekin eru fyrir,
- e. greinargóða lýsingu á hverju fundarefni,
- f. bókanir nefndarinnar eða einstakra fundarmanna um fundarefni þar sem það á við,
- g. í fundargerð skal einnig koma fram ef fundarmenn víkja af fundi eða koma til fundar eftir að hann hefst.

Í lok fundar skal tölvuskráð fundargerð undirrituð rafrænt af fundarmönnum.

Strax að loknum fundi kemur ritari nefndarinnar fundargerðinni til bæjarritara sem leggur hana fram með dagskrá næsta bæjarstjórnarfundar.

Fundargerðir landbúnaðar- og fjallskilanefndar eru birtar að afgreiðslu lokinni á heimasíðu Snæfellsbæjar.

IV. Hæfi, réttindi og skyldur nefndarmanna og annarra fundarmanna

9. gr.

Um réttindi og skyldur nefndarmanna gilda, eftir því sem við á, ákvæði IV. kafla sveitarstjórnarlaga nr. 138/2011, sbr. einnig IV. kafla í samþykkt um stjórn Snæfellsbæjar. Nefndarmönnum er skylt að kynna sér þessi ákvæði.

10. gr.

Um hæfi nefndarmanna í landbúnaðar- og fjallskilanefndar gilda ákvæði 19. gr. sveitarstjórnarlaga nr. 45/1998, II. kafla stjórnsýslulaga nr. 37/1993 og samþykktar um stjórn Snæfellsbæjar.

Um hæfi annarra sem sitja fundi landbúnaðar- og fjallskilanefndar gilda ákvæði II. kafla stjórnsýslulaga nr. 37/1993.

11. gr.

Nefndarmönnum er skylt að sækja alla fundi landbúnaðar- og fjallskilanefndar nema lögmæt forföll hamli svo sem önnur brýnni skyldustörf eða veikindi. Sé nefndarmaður í landbúnaðar- og fjallskilanefnd forfallaður um stundarsakir skal hann tilkynna eða láta tilkynna forföllin til formanns og boða varamann sinn á fund.

12. gr.

Nefndarmaður skal gæta þagnarskyldu um það sem hann fær vitneskju um í starfi sínu og leynt á að fara vegna einka- eða almannahagsmuna samkvæmt lögum eða eðli máls. Þagnarskylda helst áfram eftir að nefndarmaður lætur af þeim störfum. Þetta ákvæði á einnig við um aðra sem boðaðir eru til fundar.

V. Eftirfylgni

13. gr.

Formaður og aðrir fulltrúar landbúnaðar- og fjallskilanefndar skulu snúa sér til bæjarstjóra með eftirfylgni staðfesta samþykktu nefndarinnar og þannig tryggja að tekin sé afstaða til þeirra og þær framkvæmdar, í þeim tilfellum sem við á.

VI. Lög og reglugerðir

14. gr.

Í störfum sínum skal landbúnaðar- og fjallskilanefnd taka mið af þeim lögum og reglugerðum sem undir starfssvið hennar heyrir.

Þá skal nefndin fylgja samþykkt um stjórn Snæfellsbæjar eins og hún er hverju sinni. Það á einnig við um samninga eða samstarf á þessum vettvangi við önnur sveitarfélög.

VII. Gildistaka

15. gr.

Erindisbréf þetta byggist á ákvæðum sveitarstjórnarlaga nr. 138/2011 um verkefni sveitarfélaga og starfsemi nefnda á þeirra vegum, stjórnarsýslulögum nr. 37/1993 og samþykkt um stjórn Snæfellsbæjar.

Erindisbréf þetta var staðfest á fundi bæjarstjórnar 3. september 2026 og tekur gildi sama dag.

Snæfellsbær 3. september 2026

Kristinn Jónasson, bæjarstjóri